

Broj: 01-07-07/2-14-2-1525
Datum: 22. 09. 2015. godine

Na osnovu člana 22. Zakona o unutrašnjim poslovima Federacije Bosne i Hercegovine („Službene novine Federacije BiH“, broj 81/14) i u skladu sa Zakonom o javnim nabavkama Bosne i Hercegovine („Službeni glasnik BiH“, broj 39/14), federalni ministar unutrašnjih poslova **d o n o s i**

ODLUKU

O PONIŠTENJU OTVORENOG POSTUPKA JAVNE NABAVKE KANCELARIJSKOG MATERIJALA PO LOT-OVIMA U TOKU 2016. GODINE ZA LOT 2 - NABAVKA TONERA

I

Na osnovu člana 69. stav (2) tačka c) i člana 70. stav (4) Zakona o javnim nabavkama Bosne i Hercegovine („Službeni glasnik BiH“, broj 39/14), poništava se otvoreni postupak javne nabavke kancelarijskog materijala po LOT-ovima u toku 2016. godine za LOT 2 - nabavka tonera jer je tenderskom dokumentacijom određeno zaključivanje okvirnog sporazuma sa više ponuđača za svaki LOT posebno, a Ugovorni organ ima samo jednu prihvatljivu ponudu.

II

Ova odluka stupa na snagu danom donošenja.

O b r a z l o ž e n j e

Komisija za provođenje postupka javne nabavke kancelarijskog materijala po LOT-ovima u toku 2016. godine, imenovana rješenjem broj: 01-07-07/2-14-2-1525 od 01.09.2015. godine, provela je postupak, te izvršila razmatranje, analizu i ocjenu blagovremeno prispjelih ponuda ponuđača po otvorenom postupku javne nabavke kancelarijskog materijala po LOT-ovima u toku 2016. godine za LOT 2 - nabavka tonera, objavljen na portalu Javnih nabavki broj: 405-1-1-34-3-16/15 dana 05.08.2015. godine i u Službenom glasniku BiH broj 63/15 dana 10.08.2015. godine.

Komisija je izvršila analizu i ocjenu dvije blagovremeno pristigle ponude ponuđača za LOT 2 - nabavka tonera i to:

1. Ponudu ponuđača „PRIMAPROM“ d.o.o. Banja Luka, sa ponuđenom ukupnom cijenom sa PDV-om i popustom u iznosu 15.999,75 KM, rokom isporuke: 1 dan i rokom plaćanja: 92 dana i



2. Ponudu ponuđača „CROBOX“ d.o.o. Sarajevo, sa ponuđenom ukupnom cijenom sa PDV-om i popustom u iznosu 12.361,71 KM, rokom isporuke: 1 dan i rokom plaćanja: 91 dan;

Nakon detaljnog ispitivanja i ocjene ponuda, Komisija je utvrdila sljedeće:

- da ponuda ponuđača „PRIMAPROM“ d.o.o. Banja Luka nije prihvatljiva za Ugovorni organ iz sljedećeg razloga:

što dostavljena izjava o ukupnom prometu i prometu u segmentu poslovanja nije ovjerena kod nadležnog organa, a što nije u skladu sa zahtjevom Ugovornog organa iz tačke 12. b) i tačke 13. f) Tenderske dokumentacije za predmetu nabavku u kojima je propisano da ponuda mora sadržavati traženu izjavu ovjerenu kod nadležnog organa.

- da je ponuda ponuđača „CROBOX“ d.o.o. Sarajevo, prihvatljiva jer ispunjava sve zahtjeve tražene tenderskom dokumentacijom.

Komisija je konstatovala da nepostoji uslovi za dodjelu okvirnog sporazuma za LOT 1 jer je tenderskom dokumentacijom određeno zaključivanje okvirnog sporazuma sa više ponuđača za svaki LOT posebno, a Ugovorni organ ima samo jednu prihvatljivu ponudu.

Shodno navedenom, a vođen Izvještajem o radu Komisije i preporukom o poništenju Ugovora, Ugovorni organ je odlučio kao u dispozitivu ove odluke.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi BiH, u pisanoj formi u roku od 10 (deset) dana od dana prijema iste. Žalba se podnosi putem Ugovornog organa u 3 (tri) primjerka i dokazom o uplaćenju taksu.

Dostaviti:

1. Ponuđačima,
2. Sektoru za mat.-fin. poslove FMUP-a,
3. Kabinetu ministra - Odsjek za odnose sa javnošću
(za potrebe objave na internetskoj strani FMUP-a – Ugovornog organa),
4. U spis,
5. a/a.

MINISTAR
Aljoša Čampara



MH/FG

FMUP-ODL